

義

縣

志

六十

卷中

第十八冊

志備武

王允之



武備志

卷之六

武備志卷之六

至宣宗國武始備元明清三朝亦以忠而

兵多者二千少者千餘凡年十五以上五十以下

皆民部之百字者行

州者士之

軍甲之

將領

之效則

武備志

義縣志中卷

題武備志第十六

我武惟揚詳於泰誓之册有備無患紀於說命之篇伊古以來武固不可不備也吾邑

至遼金而武始備元明清三朝亦思患而預為備焉迨及民國則備之又備遼分十部

兵多者二千少者千餘凡年十五以上五十以下皆隸兵籍遼史金之民無他徭役壯者

皆兵部長曰孛董行兵則稱猛安謀克從其多寡以為號金史置兵之州三十八置於要

州者十一黑龍江通志吾邑置軍曰崇義則其一州也元初因之明改衛清設旗兵駐防民國

警甲改組以一人長之招募又皆優良分子設備嚴則調遣易籌備善則訓練精况復

濟以清鄉則社會秩序賴以維持地方治安藉茲保衛固當實力進行長此督飭長此

整頓成績之良好可立足而待所望職是責者前則揚休後則著美而相預防於不備

之攻則庶幾吾邑之福也志武備十七年一月七日稿識

之類極其微香為之謂事志其肅十一

善樂五聲之具皆而文以節音則聲氣實先隨樂十二

禮以節樂則禮會為事樂以義與禮式節安清其樂十三

樂甲也節以一人道之謂樂又言樂身也于節樂也十四

樂者十二十五善凡置取曰樂善觀其一節也十六

謂其為樂曰樂善也其限謂說交類也其樂也十七

其樂者三千也善于節其樂十也十八也其樂也十九

聖樂金而為節謂五則謂三則也其樂也二十

樂九則樂者其樂也其樂也二十一

聖角謂志卷十六

美神志中卷

義縣志中卷

武備志

目次

軍制

曆代軍制

遼

宜州崇義軍

遼軍制考

遼史兵衛志中宮衛騎軍

附積慶宮提轄司

前宜營後宜營

金

義州下崇義軍

附兵制案

附金用兵

元

義錦川等州總管

中衛親軍駐義州

附元兵制站赤制

附元兵制弓手制

附元急遞舖兵制

附元軍律

明

錦義右參將

義州衛廣寧後屯衛兩指揮使司

遼東都司義後二衛隸左軍都督府

附明參游把月支米糧

附衛所月支米數陣亡在營各病故喪費

清

義州汛兵

義州駐防兵官額數

附清恩賞官兵銀兩

附八旗漢字官名考

附義州及三邊門兵領接擠牛具銀數目

義州駐防職官兵額

義州邊防

義州三邊門職官兵額

附賞銀

附八旗養育兵考

附清義州旗駐防及三邊軍器

附點驗軍器及造報鳥槍數目考

義州鋪兵

義州捕盜營

義州捷勝營練軍馬隊

義州盛字外軍馬隊

義州巡警局

民國軍制

義縣警察所

義縣保甲事務所

兵事

歷代兵事

晉

宇文莫圭圍棘城

高句麗段氏宇文氏三國進攻棘城

趙王石虎進逼棘城

遼

附沿革

附沿革

前宜後宜營屯衛州

杈枒山韓慶民死

陷海北州

金

閣母討宜州

閣母兵下宜州

陷同昌縣

元

張致略義州

楊伯傑掠義州

張致襲開義

彭致孫據義州

明

常遇春師次柳河川

朵羅干出沒義州

義州軍亂

把當亥寇大清堡

俺答寇義州

土營犯義州

速把亥犯義州

敵入太平堡

插部陷大安堡

侯中安駐義州

滿州代善斬義州駐守兵三千

勞翰圍義州

錫爾度征義州

楊古利掠義州

清

察哈爾王叛

匪首王達劉珠率賊入城

流賊柴寶善擾亂地方

匪首馬傻子叛

教匪郭百齡叛亂

潰兵入境

拳匪起白恩戰歿逃兵擄清河門

票匪擾亂

民國兵事

先絳馬隊駐防義州

第一師 連駐防義縣

第一師 營駐防義縣

第一師騎兵第一團駐防義縣

第二十七師騎兵團駐防義縣

第一師騎兵第九團駐防義縣

第一師騎兵第一團駐防義縣

官軍與變兵往來義縣

二十四旅駐防義縣

第三旅駐防義縣

二十七團駐防義縣

砲兵第 營駐防義縣

于叛營長率兵攻入義縣城搶掠民商

目錄終

義縣志中卷

武備志 軍制 兵事

軍制

歷代軍制

遼

宜州崇義軍

世宗置積慶宮分州縣備兵馬有調發則丁壯從戎事老弱居守設節度使曰崇義

軍初置弘政縣自興宗 聖宗子景宗 孫世宗會孫 建宜州治弘政曰上節度 遼制分上中下 此為上節度 隸積慶宮 遼國之法

天子踐位置宮衛分州縣析部族設官府籍戶口備兵馬崩則扈從后妃宮帳以奉陵寢有調發則丁壯從戎事老弱居守世宗曰積慶宮詳遼史營衛上 統縣一 一弘政(世宗置)開義(世宗置) 一後來屬(詳遼史地理志三)

遼軍制考

考營衛志上宮衛遼史耶魯盃 與旺也幹魯朵名始 置之義見國語解 幹魯朵 宮也見國語解又遼設制居有宮衛謂之

之部族有事則以攻戰為務閑暇則以畋漁為生詳遼史營衛上 世宗置興盛曰耶魯盃是為積慶宮以文獻皇帝衛從及

太祖俘戶 平渤海 俘戶 又雲州 興宗升雲州為西京 提轄司並高宜等州戶置其幹魯朵在土河東陵

寢在長寧宮 在高州 北正戶五千蕃漢轉戶八千出騎軍八千州三康顯宜縣一 山東提

轄司 諸宮典 兵官 四 南京西京奉 州平州 石烈 官之長詳 國語解 一兮臘 金也詳 國語解 瓦里 官府名宮根部皆設之凡宮室外戚大 臣犯罪者家屬沒入於此詳見國語解 八

曰達撒曰合不曰吸烈曰逼里曰抹里官府名闡撒絨亦抹里官之一十曰紇彬直曰蠻葛曰厥里曰譚馬忒曰出懶曰速忽魯梳曰牒里得曰闕馬曰牒里特曰女古

遼史兵衛志中宮衛騎軍

太祖立幹魯朶法裂州縣割戶丁以彊幹弱支詒謀嗣續世建宮衛入則居守出則扈從葬則因以守陵有兵事則各提轄傳檄而集此軍制之良者也

積慶宮正丁一萬藩漢轉丁一萬六千騎兵八千

附積慶宮提轄司十二宮一府總要之地皆置提轄司南京一西京一奉聖州一平州一

前宜營後宜營

天祚天慶六年募謂之怨軍後改常勝軍

遼國兵制凡民十五以上五十以下隸兵籍每正軍一名馬三匹打草穀守營鋪

家丁各一人鐵甲九事馬韉轡馬田皮鐵視其力弓四箭四弓長短鎗錯錄斧鉞

小旗鎚錐火刀石馬孟炒一斗炒搭鈺傘各一廢馬繩二百尺皆自備人馬不給糧草日遣打草穀騎四出抄掠以供之遼史兵衛志上兵制

金

義州下崇義軍

節度使從三品印方一寸五分半銅重二十四兩掌鎮撫諸軍防刺總判本鎮兵馬之事兼本州管內觀察使

事其觀察使所掌並同府尹兼軍州事管內觀察使同知節度使一員正五品印方一寸四分銅重二十兩

通判節度使事兼州事者仍帶同知管內觀察使副使一員從五品節度判官一員正七品

方一寸二分 銅重十六兩掌紀綱觀察衆務僉判兵馬之事兼制兵刑工案事觀察判官一員正七品掌

紀綱觀禁衆務僉判吏戶禮案事通檢推排簿籍知法一員州教授一員司獄一員

正八品印一寸一分半 銅重十四兩公使人上七中六十五下六十百官三金史志

天會六年州鎮置節度使沿邊州置防禦使凡所募射糧軍五年一籍三十以下十七以上強壯者兼充雜役詳金史兵制牢城軍嘗爲盜

防禦之役詳金史兵制每五百人爲一指揮使司設使分爲四都都設左右什將及承局押官其

軍數若有餘或不足則與近者合置不可合者以三百人或二百人亦設指揮使若

百人則祇設軍使百人以上立爲都不及百人止設什將及承局管押官各一員金史

禁軍之制章宗置効節軍節鎮設二十人詳金史兵制註掌同弓手金史兵制

附兵制案

按金初諸部之民無他徭役壯者皆兵平居則聽以佃漁射獵習爲勞事有警則

下令部內及遣使詣諸孛堇徵兵凡步騎仗糗皆取備焉其部長曰孛堇行兵則

稱曰猛安從四品掌修軍務訓練武藝勸課農桑防捍不虞禦制盜賊詳金史百官志三謀克從五品掌撫輯軍戶訓練武藝養百姓按察所部宜導風俗勸課農桑平理訟獄捕除盜賊禁止怠惰從

其多寡以爲長猛安者千夫長也謀克者百夫長也謀克之副曰蒲里衍士卒之

副曰阿里喜部卒之副初無定制太祖二年以二千人破耶律謝十始以三百戶

爲謀克謀克十爲猛安嗣遂以猛安謀克授來降諸部首領天會二年罷是制

諸部

降人但置長史從漢官號

熙宗皇統五年又罷遼東漢人承襲猛安謀克移於宗室分上中下海

陵天德二年省併中京等路節鎮及猛安謀克貞元二年又命兵部尙書蕭仲恭與舊軍皆分隸諸總管府節度使授田牛使耕食後廢或置總管府或置節度使

故混源劉祁謂金之兵制最弊

金史兵制

附金用兵

女貞用兵以戈爲前行號曰硬軍人馬皆全甲刀楛自副弓矢在後設而不發非五十步不射弓力七斗箭鏃至六七寸形如鑿入輒不可出隊伍之法伍長擊柝十長執旗百長挾鼓千人長則旗幟金鼓悉備將軍執旗人視所向而趨自主帥至步卒皆自控馬刻小木牌繫人馬爲號每五十人爲一隊前二十人全裝重甲持棍槍後三十人輕甲操弓矢遇敵必有一二人躍馬而出先觀敵陣之虛實或向其左右前後結隊而馳擊之百步之內弓矢齊發中者常多勝則整陣緩追敗則復聚而不散其分合出入應變若神

盛京通志卷一百八雜志

金國凡用師征伐上自大元帥中至萬戶下至百戶飲酒會食略不間別與父子兄弟等所以上下情通無閉塞之患國有大事適野環坐畫灰而議自卑者始議

畢即漫滅之不聞人聲軍將行大會而飲使人獻策主帥聽而擇焉其合者即為特將任其事暨師還戰勝又大會問有功者隨功高下支賞舉以示衆衆以為薄

則增之

盛京通志卷一百八雜志

元

義錦川等州總管

世祖修官制內立五衛

左右中前後

以總宿衛諸軍衛設親軍都指揮使外則萬戶之下置

總管千戶之下置總把百戶之下置彈壓立樞密院

掌天下兵甲機密之事

以總之遇方面有警

則置行樞密院事已則廢而移都鎮屬行省萬戶千戶百戶分上中下萬戶佩金虎

符符跌為伏虎形首為明珠而有三珠二珠一珠之別千戶金符百戶銀符萬千戶

死陣者子孫襲爵死病則降一等總把百戶老死萬戶遷他官皆不得襲是法尋廢

後無大小皆世官獨以罪去則否軍士則初蒙古軍探馬赤軍蒙古軍皆國人探馬

赤軍則諸部族也其法家有男子十五以上七十以下無衆寡盡練為兵十八為一

牌設牌頭上馬則備戰鬪下馬則屯聚牧養孩提稍長又籍之曰漸丁軍既平中原

發民為卒是為漢軍或以貧富為甲乙戶出一人為獨戶軍合二三而出一人則正

軍戶餘為貼軍戶或以男丁論以二十丁出一卒至元七年十丁出一卒或以戶論

二十戶出一卒而限年二十以上者充士卒之家爲富商大賈則又取一人曰餘丁軍至十五年免或取匠爲軍曰匠軍或取諸侯將校之子弟充軍曰質子軍又曰禿魯華軍二十二年嚴軍籍條例選壯士及有力之家從軍舊例丁力強者充軍弱者出錢故有正軍貼戶之籍積久強者弱弱者強籍如故同戶異居者私立年期相更代遂至老稚不免從軍而強壯反家居至是革焉元史兵制

中衛親軍駐義州

中衛秩正三品平元八年以侍衛改置掌宿衛扈從兼管屯田國有大事則調度之詳元史百官志親軍都指揮使元史王廷傳王廷王榮祖子王珣之孫駐義州

至元八年以侍衛改置都指揮使一副都指揮一二十年增副都指揮一三十一年

置僉事二二十三年增都指揮一大德十一年增都指揮二副使三至大元年增都

指揮一四年省都指揮三副都指揮三後定置都指揮三正副都指揮二從僉事二

正經歷二從知事二承發架閣照磨一俱從令使七人譯使通事知印各一人屬鎮撫

二行軍千戶十達魯花赤十副達魯花赤十千戶十副千戶十彈壓二百戶二百

知事十弩軍千戶一達魯花赤一千戶一彈壓二百戶十屯田左右千戶二達魯花

赤二千戶二彈壓二百戶四十教官二蒙古字教授一儒學教授一元史百官志樞密院中衛

附元兵制站赤制遼東狗站亦同以附見

元制站赤者驛傳之譯名也蓋以通達邊情布宣號令陸則以馬以牛或以驢或以車而水則以舟其給驛傳璽書謂之鋪馬聖旨遇軍務之急則又以金字圖符爲信銀字者次之遼陽省轄站一百二十處馬六千五百一十五匹車二千六百二十七輛牛五千二百五十九隻狗站十五處原設站戶三百狗三千隻後除絕止倒死外實在站戶二百八十九狗二百一十八隻元史兵制義州下州也大甯路領之隸遼東廉訪司爲遼陽省本省計站一百二十處地理屬州馬車牛若干狗站若干站戶及狗若干均待詳

附元兵制弓手制

元制郡邑設弓手以防盜也外而諸府路所轄州縣設都尉司巡檢司捕盜所皆置巡軍弓手職巡邏專捕獲官有綱運及流徙者至則執兵仗導送以轉相授受世祖中統五年隨州府驛路設置巡馬及馬步弓馬驗民戶多寡定立額數除本管頭目外本處長官兼充提控其夜禁之法一更三點鐘聲絕禁人行五更三點鐘聲動聽人行有公事急速及喪病產育之類則不在此限違者笞二十七下有官者笞七十准贖元寶鈔一貫州縣城池相離遠處其間五七十里所有村店及二十戶以上者設立巡防弓手各用器仗必須完備令本縣長官提調不及二十

戶者依數差捕若無村店去處或五七十里創立聚落店舍亦須及二十戶數其巡軍別設不在戶數之內關津渡口必當設立店舍弓手去處不在五七十里之限若有失盜勒令當該弓手定立二限盤捉每限一月如限內不獲其捕盜官強盜停俸兩月竊盜一月外據弓手如一月不獲者強盜決十七下竊盜七下兩月不獲者強盜二十七下竊盜一十七下三月不獲者強盜三十七下竊盜二十七下如限內獲賊數及一半者全免正罪至元四年除上都中都已有巡軍其各處州縣戶數多寡驛程緊慢設置合用器仗各人自備二十三年捕賊巡馬先令執持悶棍以行賊衆多有弓箭反致巡軍被傷給府州弓箭七副司縣五副各令執

備防盜

元史兵制

附元急遞舖兵制

元制急遞舖以達四方文書之往來世祖始驗地里遠近人數多寡立急遞站舖每十里或十五里二十五里則設一舖於各州縣所管民戶及漏籍戶內僉起舖兵中統元年詔隨處官司設傳遞舖驛每舖置舖丁五人各處縣官置文簿一道付舖遇有轉遞文字當傳舖所即注名件到舖時刻及所轄轉遞人姓名置簿令轉送人取下舖押字交收時刻還舖本縣官司時復點制稽滯者治罪其文字

本縣官司絹袋封記舖兵一晝夜行四百里至元八年申命州縣官點視闕少舖司舖兵凡有遞轉文字到舖司隨即分明附籍隨路舖兵不許僱人令替九年更急遞舖名通遠舖二十年令民戶及漏籍富者充站戶站戶之貧者充舖兵至治三年各處急遞舖每十舖設一郵長凡舖卒皆腰革帶懸鈴持槍挾雨衣賚文書以行夜則持炬火道狹則車馬者負荷者聞鈴避諸旁夜亦驚虎狼也響及所之舖則舖人出迎以俟其至囊板以護文書及各舖得之則又展轉遞去

元史兵制

附元軍律

諸軍官離職屯軍離營行軍離其部伍者皆有罪

元史刑法志二職志下

諸軍官不得擅離部署赴闕言事有必可言者實封附遞以聞

諸隨處軍馬有久遠營屯或時暫經過並從官給糧食輒妨擾農民沮滯客旅者禁之

諸臨陣先退者處死

諸統軍捕逐寇盜分守要害約相爲聲援稽留失期致殺死將士仍不即追襲者處死雖會赦罷職不叙

諸軍民官鎮守邊陲帥兵擊賊紀律無統變易號令背約失期形分勢格致令破

軍殺將或未戰逃歸或棄城退走復能建招徠之功者減其罪無功者各以其罪罪之

諸防戍軍人於屯所逃者杖一百七再犯者處死若科定出征逃匿者斬以徇諸軍戶貧乏已經存恤而復逃者杖八十七發遣當軍隱藏者減二等兩隣知而不首者又減隱藏罪二等

諸軍戶告乏求替者從有司覆實之其詐妄者廉訪司究之

諸各衛扈從漢軍每戶選練習壯丁一人常充仍於貼戶內選兩人輪番供役其有故必合替換者自萬戶及千百戶相視所換之可用然後用之百戶千戶萬戶私換者驗名數多寡論罪解降

諸管軍官吏受錢代替軍空名者驗入已錢數以枉法科罪除名令兄弟子姪驅丁代替者驗名數多寡論罪解降

諸軍馬征伐虜掠良民兇徒射利略賣人口或自賊殺或以病亡棄屍道路暴骸溝壑者嚴行禁止

明

錦義右參將

鎮守遼東總鎮一方 總兵官一舊設駐廣甯隆慶元年令冬月移駐河東遼陽適中之

地協守與主將協守一城者為協守 副總兵官一分守獨鎮一路者為分守 參將五錦義右參將其一也日開原參將曰海蓋右參將曰

寧遠參將曰寬奠堡參將 遊擊將軍八守備五各守一城一堡為守備 坐營中軍一備禦十九明史職官五總兵官

義州衛廣寧後屯衛兩指揮使司

按康熙庚申錦州府志載各衛軍政掌印指揮一員軍政佐貳管屯指揮一員軍政

佐貳管拘捕指揮一員各衛經歷一員各千戶所管屯一員掌印一員各庫大使一

員掌印鎮撫一員各倉大使一員副使一員各稅課司大使一員各預備推舉千百戶守掌 各

驛遞各處例有驛承遞運所大使惟遼東驛遞以本百戶所軍充役 通事官以千百戶通驛語者充之 為俱備

明遼東都司義州衛廣寧後屯衛隸左軍都督府明史兵志按都司者從簡之詞正文當曰遼東都指揮使司

洪武八年定遼都衛指揮使一正二品 指揮同知二從三品 指揮僉事四正四品 鎮撫司鎮撫二

從五品 其屬經歷從七品 知事正八品 吏目從九品 倉大使副使各一明史職官五各衛設官如京衛 統於遼東都司洪武八年

以定遼都衛改此掌一方之軍政各率其衛隸於五府而聽於兵部 凡襲替陞授優給優養及屬所軍政掌印僉書報都指揮使

司達所隸都督府移兵部管理衛事惟屬掌印僉書不論指揮使同知僉事考選其

才者充之分理屯田驗軍營操巡捕漕運備禦出哨入衛戍守軍器諸雜務日見任

管事不任事入隊日帶俸差操征行則率其屬聽主帥調度明初置千戶所設正副

千戶鎮撫百戶又立萬戶府設正副萬戶知事照磨尋罷萬戶府設指揮使及千戶等官至洪武二十年衛立掌印僉書專職理事二十三年又設軍民指揮使司千戶等自衛指揮以下其官多世襲其軍士亦父子相繼為一代定制明史職官五衛所郡邑之兵衛所統之世以田給之者為屯兵月以餉給之者為戰兵簡士兵之壯者廩而備之曰民兵募地之傑者緩急而用之曰客兵其士兵之制守鄉者曰保甲防險者曰弓兵

明史兵志五千六百人為衛千一百二十人為千戶所百十有二人為百戶所所設總旗二小旗十

附明參游把月支米糧

參將游擊月支米五石把總月支糧九斗明史食貨志六

附明衛所月支米數及陣亡在營各病故喪費

洪武中令外衛馬軍月支米二石步軍總旗一石五斗小旗一石二斗軍一石城守者如數給屯田者半之民匠充軍者八斗牧馬十戶所一石民丁編軍操練者

一石陣亡病故者軍給喪費一石在營病故者半之明史食貨志六

清

義州汎兵

太祖壬戌年即明天啓二年

大康堡太平堡團山堡大安堡大定堡大寧堡大清堡同時設汎

馬嶺驛城明築城置驛

新站城古饒慶城三角城營城王半城大棘城永寧舖堡德勝堡齊

家堡景家堡石佛堡破城子堡八塔堡孫凌堡正義堡大靜堡鎮彝堡瓦子峪堡均

設汎

義州駐防兵官額數

康熙十四年設義州駐防城守尉一員隸錦州副都統滿州佐領九員驍騎校九員

乾隆二十九年移駐塔爾巴哈台二員

內務府佐領八員

原設十員乾隆四十三年裁二員

驍騎校八員

原設十員乾隆四十二年裁二員

隸城守尉乾隆二十

七年

筆帖式一員委官一員每佐領下驍騎校一人領催五名

初制滿洲及蒙古每佐領下設領催六名康熙四十三年酌裁一名

驍騎二十名弓匠一名鞍匠或鐵匠一名漢軍無弓鞍鐵匠有烏槍驍騎四十一名

每旗籐牌兵一百名

乾隆三十年設屬下步兵二百十四名舊設滿洲兵六百零四名蒙古兵三十二名

漢軍兵六百六十四名共兵一千三百名乾隆二十八年裁兵七十名二十九年移

駐塔爾巴哈台兵六十一名三十年復裁二百零二名四十八年實兵數九百六十

七名康熙十八年設鐵匠六名三十八年增設十二名城守尉隸錦州副都統佐領

隸城守尉驍騎校隸佐領皆統隸於奉天將軍其義州東北清河邊門康熙十五年設漢軍防禦一員屬下舊設滿洲兵一名漢軍兵三十名共兵三十一名乾隆六年移增九名四十八年實兵數四十名領催一名康熙十八年設又白土廠邊門亦康熙十五年設原設門尉二員乾隆五年裁改設滿洲防禦一員屬下兵三十名領催一名乾隆六年設至九關台邊門則與清河門白土廠門全年設原設滿洲防禦一員屬下舊設滿洲兵一名漢軍兵三十名共兵三十一名雍正十一年復增設同知駐此乾隆六年移增九名四十八年實兵數四十名領催一名康熙十八年設但俱系盛京將軍專轄原俱設筆帖式一員乾隆三十六年裁

據康熙庚申錦州府志載駐防義州城守尉一員康熙十九年設宜爾喜大二員五品官二員

俱康熙十四年設筆帖式二員康熙二十四年設披甲兵丁七百名新滿洲佐領七員新滿洲驍騎校七

員俱康熙十九年設披甲兵丁二百五十名

附清恩賞官兵銀兩

乾隆元年奉旨發銀二十萬兩滋息遇官兵吉凶事件以作賞項八年後撥銀二十萬兩二十三年將滋息銀兩裁汰所有兵賞項改於官銀內支領驍騎校吉事賞銀十兩領催前鋒等吉事賞銀八兩馬兵吉事賞銀六兩步兵及匠役吉事賞

銀四兩乾隆三十九年奉恩旨駐防孀婦孤子每遇吉事俱准賞銀三兩以前皆曾食餉銀之兵役其子孫現係閒散吉事俱賞銀二兩凡凶事賞項銀數皆倍之
附八旗漢字官考

清文獻通考卷十八兵考順治十七年定八旗漢字官名諭嗣後固山額真清字仍稱固山額真汗字稱爲都統梅勒章京清字仍稱梅勒章京漢字稱爲副都統甲喇章京清字仍稱甲喇章京漢字稱爲參領牛彖章京清字仍稱牛彖章京漢字稱爲佐領按班章京漢字稱爲總管烏真超哈漢字稱爲漢軍尋又經大臣議定噶布什賢噶喇按班漢字稱爲前鋒統領巴雅喇蘇章京漢字稱爲護軍統領噶布什賢章京汗字稱爲前鋒參領巴雅喇章京漢字稱爲護軍參領噶布什賢專達漢字稱爲前鋒校巴雅喇專達漢字稱爲護軍校分得撥什庫漢字稱爲驍騎校謹按雍正元年以八旗都統印信所有滿文固山額真字樣額真二字非臣下印信所得濫用改爲固山按班

附義州及三邊門兵原領接濟牛具各銀數目

義州兵原領

接濟銀一千七百五十兩
牛具銀二千五百二十兩

清河門兵原領

接濟銀六十兩
牛具銀七十二兩

九關台門兵原領接濟銀六十兩
牛具銀七十二兩

白土廠兵原領接濟銀五十兩
牛具銀四十八兩

義州駐防職官兵額

義州額設城守尉一員內務府缺滿洲佐領八員內務府佐領七員滿洲驍騎校七員內

務府驍騎校八員領催一百一十七名內委官二缺馬兵七百四十三步兵二百一十四名

鐵匠十八名養育鰥寡孤獨四名清盛京典制備考卷七將軍署各城旗駐防義州

義州邊防

九官台門按康熙庚申錦州府志合長嶺山門松嶺子門原為錦縣邊門三

守禦一員康熙十八年設

筆帖式一員順治十一年設

披甲兵丁十名

墩臺按康熙庚申錦州府志原屬錦縣後九官台門義屬州未知設否

千總按康熙庚申錦州府志屬錦縣時設四員後屬義州未詳

臺軍按康熙庚申錦州府志屬錦縣時設二百名後屬義州未詳

清河門按康熙庚申錦州府志合白土廠門原為廣寧邊門二

守禦一員康熙十八年設

筆帖式一員順治十一年設

披甲兵丁十名

白土廠門詳清河門

筆帖式一員順治十一年

馬法二員順治十一年設

墩臺按康熙庚申錦州府志原屬廣寧後清河白土廠二門屬義州未知設否

千總屬廣寧原係四員後屬義州未詳

臺軍屬廣寧原係一百五十名後屬義州未詳

內外人出入必登籍以記台軍俱供補籬濬壑及司晨昏啓閉皆奉天將軍統之
以上見康熙庚申錦州府志卷七武備志邊防

義州三邊門職官兵額

義州屬三邊白土廠邊設防禦一員領催二名兵二十七名台領催一名清河邊設

防禦一員領催四名兵三十六名台領催一名九官台邊設防禦一員領催四名兵

三十六名台領催二名清盛京典制備考卷七將軍統轄西十邊門義州屬三邊

據清文獻通考輯要卷十八兵考義州城守尉一九關台門滿洲防禦一駐劄義州西北之九關台邊門

清河邊門漢軍防禦一駐劄義州之清河邊門白土廠邊門滿洲防禦一駐劄義州北之白土廠邊門均屬義州城守尉統於錦州副都統

附賞銀

現任驍騎校併原品休致食整俸驍騎校紅事賞銀十兩白事賞銀二十兩原品
休致食半俸驍騎校紅事賞銀五兩白事賞銀十兩食三兩領催弓匠校正紅事

各賞銀八兩白事各賞銀十六兩食二兩領催兵丁等及食一兩五錢步領催紅事各賞銀六兩白事各賞銀十二兩食一兩步甲鐵匠箭匠併留養兵紅事各賞銀四兩白事各賞銀八兩食五錢養育兵鰥夫孀婦孤子紅事各賞銀三兩白事各賞銀六兩原係兵役之子孫紅事各賞銀二兩白事各賞銀四兩

咸豐三年奏准兵丁等白事賞項每

銀一兩改放制錢一串是年春部議奏官員紅白事兵丁紅事賞銀暫行停放

附八旗養育兵考

清文獻通考卷十八兵考雍正二年設養育兵諭八旗滿洲蒙古漢軍均係累世効力舊人承平既久滿洲戶口滋盛餘丁繁多或有丁多之佐領因護軍驍騎皆有定額其不得充任之閒散滿洲至有窘迫不能養其妻子者每思及此惻然動念將如何施恩俾得生計之處再四籌畫並無長策欲增編佐領恐正餉不敷若不給以錢糧俾爲養贍何以聊生既不能養其家口何由造就以成其材今將旗下滿洲蒙古漢軍共選四千八百人爲教養兵訓練藝業每人各給三兩錢糧每年共需錢糧十七萬二千八百兩每旗滿洲蒙古漢軍共六百名內滿洲每旗四百六十名蒙古六十名漢軍八十名其漢軍之八十名另爲步兵食二兩錢糧就此錢糧數內通融料理可多得四十名漢軍每旗著選百二十名此所設教養兵

若計佐領選取恐多寡不同應於參領下計數選取至乾隆三年後定滿洲蒙古各旗原設養育兵每二名出缺作爲三名照漢軍例各給銀二兩滿洲蒙古旗每佐領下增足養育兵十名漢軍旗每佐領下增足六名十八年後定養育兵每三名出缺作爲四名再恩賞一名各改給銀一兩五錢時於原養育兵一萬五千一百二十四名外勻出缺五千四十四再恩賞缺五千四十四共二萬五千二百一十二名食銀四十五萬三千八百一十六兩二十九年後定滿洲蒙古之養育兵二萬三百一十五名每年增食米一萬六千一百石有奇

附清義洲旗駐防及三邊軍器

義州城守鳥槍一百八十二桿鐵甲三百八十三副棉甲二百九十七副白土廠

邊鐵甲十二副清河九官台兩邊各鐵甲十六副

清盛京典制備考卷七將軍屬旗駐防義州將軍統轄西十邊義州屬三邊甲

附點驗軍器及造報鳥槍數目考

盛京兵部三年一次點驗內外各城官兵器械於道光九年正月內奏奉諭旨凡嗣後盛京兵部點驗軍械之例著照所請停止飭令各該城守尉等每於年終將一切軍器冊呈報將軍衙門咨送兵部存查並責成將軍隨時酌量密委委員前往抽查以昭核實欽此又於道光十九年十二月內准兵部咨開內閣抄出盛京

將軍宗室耆英等奏奉諭旨凡嗣後每屆三年點驗軍器將將軍五部侍郎副都統銜名開單奏請簡派分往各城點驗欽此又於道光二十二年奏改將各城軍器調至省城公同點驗又每年年底將盛京所屬各城所儲礮位鳥槍數目及兵

額數目造册咨報兵部

盛京典制備考卷四將軍公署兵司應辦事宜

據旗籍人陶姓名哲字敬明者述言義州旗兵二兩兵

即領

共一百一十名二兩

兵

即馬兵亦曰馬甲

共八百二十名一兩兵

即步兵亦曰步甲

共二百若干名

義州舖兵

東路在城舖兵一名三十五里大榆樹舖兵二名三十二里閔隆社舖兵二名

東與黃寧縣接

界南路在城舖兵一名二十里大嶺舖兵二名十七里七里河舖兵二名

南與錦縣接界

(見

欽定盛京通志卷三十三關郵舖遞錦州府)

以上舖兵共十名乾隆四年奉裁八名額設二名分遞二路文報

義州捕盜營

義州捕盜營馬隊於清同治十三年設把總一員

係由光緒間左翼長添設以張起鶴為第一任

外委一員馬兵四

十名為一隊把總月支薪水銀六兩加夫二名外委月支薪水銀四兩加夫一名馬

兵每名月支餉銀四兩三錢二分所需餉項由州署籌給光緒八年把總月薪增為

九兩加夫二名外委月薪增爲六兩加夫一名兵額仍舊所需餉項由省發給十九年增兵四十名共八十名二十一年裁兵四十名後還原額二十二年裁把總一員又裁兵二十名二十三年增兵二十名仍復原額四十名又增步兵六十名由州撥餉又復設把總一員後編練巡警此營裁撤

義州捷勝營練軍馬隊

義州捷勝營練軍馬隊於清光緒十一年經盛京將軍崇奏添專爲緝捕盜賊迎送要差而設均由義州八旗制兵內選年力精壯之兵五十名編爲一營每名月支餉銀四兩五錢額設營總一員以佐領充之扎蘭章京一員以各旗驍騎校等官派充月支薪水銀六兩隊長五員按年約需薪餉銀二千餘兩每三個月派員赴盛京戶部關領一次於光緒二十四年春間奉文飭將奉省各城馬隊練軍化散爲整改編爲盛字外軍馬隊練軍

義州盛字外軍馬隊

義州盛字外軍馬隊於光緒二十四年春間經盛京將軍依奏請將奉省內外各城舊有捷勝營練軍馬隊化散爲整編練新軍改爲盛字內外軍馬隊以備巡緝義州原有捷勝營馬隊五十名內選派什長五名每名月支餉銀八兩隊兵四十五名每

名月支餉銀七兩五錢編爲盛字外軍前營左哨馬隊添設哨官一員月支薪水銀五十兩哨長一員月支薪水銀三十兩所需薪餉每三個月派員由盛京戶部關領一次並由省發給快槍以資訓練於光緒二十七年春奉文裁撤

義州巡警局

義州巡警局於光緒三十一年城內設總局一四鄉分爲四區每一區設巡警分局七處四區共廿八處外有卡局三處共巡正副五十六員巡長二員巡兵二千零七十名其餉統由州署撥發概從車牌及畝捐項下動支三十四年另定城鄉巡警章程宣統元年遵部章改爲總務司法行政衛生四股八月遵警務通則改總局爲警務局光緒二十六年奉軍分駐境內添設練勇百名城鄉分四團

光緒三十一年舉城鄉練勇加以訓練改爲巡警城治設總局一四鄉設分局三十如花樓冷家勾梢戶營子瓦子峪四台小籽粒屯張弼堡石佛堡關家屯清河門興隆堡孫柏屯甄城子小河東羊圈子戴家屯景家堡泥河子新民屯老爺廟樹林子大定堡郭家大屯鄒家屯亂泥勾劉龍溝劉龍台沈家屯碾盤勾斑鳩塔等處

民國軍制

義縣警察所

所長一總務兼司法股員一行政兼衛生股員一書記長一巡行教練專員一

第一區區官一巡記長一巡記一分駐所巡官一巡記一巡長十一名巡警六十名

第二區區官一巡記長一巡記一分駐所巡官二巡記一巡長六名巡警二十七名

第三區區官一巡記長一巡記一分駐所巡官一巡記一巡長六名巡警二十八名

第四區區官一巡記長一巡記一分駐所巡官一巡記一巡長五名巡警二十二名

第五區區官一巡記長一巡記一分駐所巡官一巡記一巡長五名巡警二十二名

第六區區官一巡記長一巡記一分駐所巡官二巡記一巡長五名巡警二十四名

第七區區官一巡記長一巡記一分駐所巡官一巡記一巡長五名巡警二十二名

第八區區官一巡記長一巡記一分駐所巡官一巡記一巡長四名巡警十七名

第九區區官一巡記長一巡記一分駐所巡官一巡記一巡長五名巡警二十三名

第十區區官一巡記長一巡記一分駐所巡官一巡記一巡長五名巡警二十五名

警察所差遣步隊巡官二巡記一巡長三巡警二十四名

警察所差遣馬隊巡官一巡記一巡長一馬警十名

縣署分駐所巡官一巡記一巡長一巡警十七名

車站分駐所巡官一巡記一

聯合分所巡官一巡記一

警察隊長一巡記長一巡長四馬警四十名

附沿革

自清光緒三十三年因舊捕盜營改編巡警以符部章名曰巡警總局宣統二年改巡警總局爲警務局設警務長一區官四劃全境爲五區曰中及東西南北區警務長駐中區在城內區官各駐一區至民國元年警務局改爲警務長公所二年奉令警務長公所改爲警察事務所警務長遵部令改爲警佐縣知事監督一切事宜兼充所長四年警察事務所奉省令改爲警察所并頒發木質鈴記文曰奉天義縣警察所鈴記六年遵省令警察所警佐兼充所長以一事權七年警務處以各縣創辦警察分區設治每區有區官分巡一區之事按照現行警察制度一律改爲巡官十七年改爲十區各設區官

義縣保甲事務所

保甲事務所所長一教練員一警甲會計一文牘一書記二甲長一甲丁十七名

第一區區保長一保長一書記一甲長五甲丁五十名

第二區區保長一保長一書記一甲長五甲丁五十名

第三區區保長一保長一書記一甲長五甲丁五十名
第四區區保長一保長一書記一甲長六甲丁六十名
第五區區保長一保長一書記一甲長五甲丁五十名

附沿革

民國三年奉令改預警爲保衛團五年九月保甲改組設區長八村長一百九十
八村副一百九十八七年夏保衛團改保甲局無常丁僅在各甲抽丁二人保董
先改爲千家長後改爲保長九年六月保甲又改清鄉十一年奉令警甲合編十
二年成立保甲事務所設保甲所長一文牘員一教練員一區保長五保長二十
六甲丁三百零七名十四年保甲併入警察十五年七月改組爲五區十八年裁

兵事

歷代兵事

晉

宇文莫圭圍棘城

太安初鮮卑宇文單于莫圭部衆強盛別帥素怒延

晉書載記及
魏書作素延

攻掠諸部虜親擊敗

之素怒延復率衆十萬圍虜于棘城衆咸震懼虜曰素怒延軍無法制已在吾計中

諸君但爲力戰無所憂也乃躬貫甲冑馳馬出擊大敗之追奔百里浮斬萬餘人

十六國春秋前燕錄

高句麗段氏宇文氏三國進攻棘城

晉大興二年平州刺史崔恚以士民多歸慕容廆心不平陰說高句麗段氏宇文氏使共攻之恚所親高瞻力諫不從三國合兵伐廆諸將請擊之廆曰彼爲恚所誘欲邀一切之利軍勢初合其鋒甚銳不可與戰當固守以挫之彼烏合而來莫相歸腹久必攜貳然後擊之破之必矣三國進攻棘城廆閉門自守獨以牛酒犒宇文氏二國疑宇文與廆有謀各引兵歸宇文士卒數十萬連營四十里其大人悉獨官曰二國雖歸吾當獨取之廆使召其子翰于徒河翰曰彼衆我寡難以力勝請爲奇兵于外伺其間而擊之若並兵爲一彼得專意攻城非策之得也廆從之悉獨官聞之曰翰不入城或能爲患當先取之分遣數千騎襲翰翰爲段氏使者逆於道而設伏以待奮擊盡獲之乘勝徑進遣間使語廆出兵大戰前鋒始交翰將千騎從旁直入其營縱火焚之衆遂大敗悉獨官僅以身免廆俘其衆獲皇帝玉璽三紐恚聞之懼奔高句麗廆以其子仁鎮遼東官府市里安堵如故以高瞻爲將軍瞻稱疾不就廆數臨候之撫其心曰君之疾在此不在他也今晉室喪亂不欲與諸君共清世難翼戴

帝室奈何以華夷之異介然疎之哉夫立功立事惟問志略如何耳瞻猶不起虜頗不平瞻以憂卒虜使裴嶷奉表并所得璽詣建康獻之

資治通鑑綱目卷十九

趙王石虎進逼棘城

晉咸康四年五月趙王虎以燕不會攻段遼而自專其利伐之又遣使出招誘民夷得三十六城遂進逼棘城皝欲出亡帳下將慕輿根諫曰趙彊我弱大王一舉足則趙之氣勢遂成不可復敵矣今固守堅城其勢百倍事之不濟不失於走奈何望風委去爲必亡之理乎皝乃止然猶懼形於色玄菟太守劉佩曰事之安危繫於一人大王當自強以厲將士不宜示弱事急矣臣請出擊之縱無大捷足以安衆乃將敢死數百騎出衝趙兵所向披靡斬獲而還於是士氣自倍皝意乃安根等晝夜力戰凡十餘日趙兵不能克而退皝遣其子恪帥二千騎追擊之趙兵大敗斬獲三萬餘級諸軍皆潰惟游擊將軍石閔一軍獨全閔本姓冉虎養爲子驍勇善戰多策略虎愛之比諸孫還鄴蒲洪以功拜都督六夷諸軍事閔言於虎曰洪雄雋得將士死力諸子皆有非常之才且握彊兵據近畿宜密除之以安社稷虎曰吾方倚其父子以取吳蜀奈何殺之待之愈厚皝分兵討諸判城皆下之誅滅甚衆虎遣曹伏青州之衆戍海島運糧三百萬觔以給之又以船三百艘運穀詣高句麗使王典帥衆萬餘

屯田海濱又令青州造船千艘謀復擊燕

資治通鑑綱目卷十九

遼

前宜後宜營屯衛州

天祚天慶七年八月前宜營後宜營屯衛州蒞藜山

遼史

杈枒山韓慶民死

保大末年金閣母兵戰拔杈枒山節度使韓慶民不屈死

陷海北洲

天祚天慶八年六月霍六哥陷海北洲

遼史本紀第二十八天祚皇帝二

金

閣母討宜州

太祖天輔七年閣母統兵討宜州

金史

閣母兵下宜州

太宗天會二年閣母兵下宜州

金史

陷同昌縣

世宗大定二年正月窩幹陷同昌縣

金史謀衍本傳

靈山惠和同時陷

元

張致略義州

太祖十年乙亥張致叛略義州木華黎率蒙古不花等軍數萬討之元史木華黎傳

楊伯傑掠義州

十一年丙子楊伯傑掠義州王珣出戰伯傑引去張鯨以千騎來衝珣選十八騎突

其前張鯨等衆潰走元史王珣本傳

張致襲開義

全年七月張致夜襲開義王珣以木華黎兵復開義擒殺楊伯傑等元史王珣傳

彭致孫據義州

十七年彭致孫據義州叛李守忠長驅抵城下力戰復之元史李守忠傳

明

常遇春師次柳河川

洪武二年己酉征虜副將軍常遇春師次柳河川明史常遇春傳

朶羅干出沒義州

成化元年乙酉頭目朶羅干等出沒義州明史朶羅干傳

義州軍亂

正德三年戊辰義州軍亂游擊將軍韓璽單騎入撫之亂遂已

遼陽縣志名宦韓璽

把當亥寇大清堡

嘉靖十七年戊戌指揮徐顯誘殺泰寧部九人其頭目把當亥率衆寇大清堡總兵

馬永擊轉之其屬把孫以朵顏部復入鎮守少監王永與戰敗績

明史朵顏傳

俺答寇義州

二十五年丙午俺答以萬騎寇義州總督三邊侍郎曾銑率叅將李珍直搗賊巢斬

百餘首敵始退

明史魏祖傳

土營犯義州

萬曆八年庚辰土營徵諸部兵分犯義州總兵李成梁兵集乃引去

明史李成梁傳

九年辛巳

土蠻復連速把亥等十餘萬騎掠團山堡攻義州總兵李成梁禦却之

明史李成梁傳

速把亥犯義州

十年壬午速把亥率弟妙花子卜言兔入犯義州總兵李成梁設伏鎮夷堡速把亥

入射墜馬斬之寇奔

明史李成梁傳

敵入太平堡

十七年己丑敵犯義州入太平堡把總朱永壽等一軍盡沒

明史李成梁傳

插部陷大安堡

四十三年乙卯插部掠義州攻陷大安堡兵民死者甚衆

明史韃靼傳

侯中安駐義州

四十八年庚申九月征胡督司侯中安駐義州鐫其事於甌城北石洞

滿洲代善斬義州駐守兵三千

天啓二年滿洲太祖令大貝勒代善與買勒率兵往義州移其戶口至則閉門以拒

招諭不從攻之斬駐守兵三千

盛京通志卷三十城池二廣寧縣事蹟

勞翰圍義州

七年滿洲勞翰圍義州久不下值夜雲密布翰潛迹緣城將登伏發矢如雨下勞翰

重創死

盛京通志

錫爾度征義州

崇禎二年己巳滿洲錫爾度征義州

盛京通志

楊古利掠義州

三年庚午滿洲楊古利掠義州具有斬馘

盛京通志

清

察哈爾王叛

康熙十四年察哈爾王叛趙辛珠赴京告變帥師爭平之

時撫遠大將軍阿札大學士圖海同討伐

匪首王達劉珠率賊入城

咸豐十年王達劉珠叛亂入城由南門奔

流賊柴寶善擾亂地方

同治二年柴寶善叛餘黨擾亂地方

匪首馬傻子叛

同治八年馬傻子叛亂

教匪郭百齡叛亂

光緒十六年教匪郭百齡陳明楊明等叛盛京豐總統勦匪駐義州

潰兵入境

光緒二十一年中東戰潰兵入境湖北提督吳鳳柱馬步軍退駐義州

拳匪起白恩戰歿逃兵擄清河門

光緒二十六年拳匪起燒燬東街路南福音教堂並路北王某車舖盛字外軍哨官

白恩奉尉令勦追在北門外凌河北岸衝鋒戰歿閏八月逃兵擄掠清河門重陽節
俄兵入城

票匪擾亂

光緒二十七年正月初一日俄兵又至是年夏票匪迭起如潘勤潘和大崔二崔等

擾亂地方民多不安奉字右軍前營馬隊分駐義州城內北街路西三合店院內及清河門稍戶

營劉龍台各鎮集管帶蔡永鎮字閣臣勇敢無敵剿匪有聲賊皆斂迹邑人德之綏錦

營陳統領帶兵駐扎義州頗資鎮攝迄今邑人猶稱道不置

三十二年耿玉田字潤齋接管奉字右軍前營馬隊營所改駐南城根路北仍駐義州城內及清河門

等各鎮集其部下兵與馬知州俊顯治下練勇衝突在大佛寺院內奉軍蠻橫痛打練勇胡某

幾死馬知州令抬送該營後經紳商調解

民國兵事

先絳營馬隊駐防義州

民國元年先絳營馬隊營長劉景陽帶兵駐義州寓東街路北老義記院內剿匪

第 師 連駐防義縣

五年第 師 連連長穆慶有字相臣帶兵駐防義縣寓東街路南舊純裕店院內

第 師 營 駐防義縣

七年第 師 營營長羅

字 帶兵駐防義縣 寓東街路南舊純裕店內

第一師騎兵第一團駐防義縣

十年第一師騎兵第一團團長朱益清 字蓮溪 帶兵駐防義縣 寓

二十七師騎兵團駐防義縣

十一年二十七師騎兵團團長崔鳳山 字鳴岐 帶兵駐防義縣 寓

第一師騎兵第九團駐防義縣

十二年第一師騎兵第九團團長胡殿甲 字寶山 帶兵駐防義縣 寓

第 師騎兵第 團駐防義縣

十三年第 師騎兵第 團團長管 字 帶兵駐防義縣 寓

官軍與變兵往來義縣

十四年十月間闕軍入城分住民商各戶延及屯鎮至二十五日郭變軍來義闕軍

遠避嗣湯軍又駐義分住城屯各戶迨十五年春始行陸續去熱

二十四旅駐防義縣

十五年二十四旅旅長黃師嶽 字 帶兵駐防義縣 寓東街路北長發當

第三旅駐防義縣

十七年第三旅旅長何柱國字帶兵駐防義縣寓東街路北長發當

二十七團駐防義縣

十九年二十七團團長李戊隣字帶兵駐防義縣寓北街路西益宏盤

砲兵第 營駐防義縣

砲兵第 營營長程葆全字帶兵駐防義縣寓

于叛營長率兵攻入義縣城搶掠民商

二十年冬陰曆十一月二十七日陸軍二十旅 團 營于叛營長率兵譁變攻入義縣城搶掠

民商直向商會挾索五萬銀洋縣政府招集地方士紳各界籌措應付日軍擊走之

義縣志中卷之十六武備志終